

Kontuola

ANTZUOLA / Egubakoitza / 2002ko maiatzaren 17a / 113. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com

Enpresa Ekintzetako Zentroa zabaldu dute Olaran etxean

AINTZANE IRIZAR

Otsailean bete zen urtebete Olaran etxea inauguratu zutela. Ordutik hona hainbat erabilpen eman dio Udalak, beheko solairuari, batez ere. Bigarren eta hirugarren solairuetan; berriz, Enpresa Ekintzetako Zentroa jarri du Mankomunitateak.


Lantegi Eskolako ikasleek eraberritu zuten Olaran etxea, eta 2002ko otsailaren 4an inauguratu zuten. Beheko solairua Antzuolako Udalarena da, eta hainbat erabilpen ematen dizkio solairu horri. Lehenengo solairuan KZGunea dago orain dela hilabete gutxitik. Bigarren eta hirugarren solairuetan, berriz, Debagoieneko Mankomunitatearen Enpresa Ekintzetako Zentroa dago.

Zentro horren helburua da inizatiba edo ekimen berriak bultzatzea; hau da, hastera donari aukera ematea. Horretarako, lokalak lagatzen dizkie Mankomunitateak ekintzaile berriei, merkatuko prezioekin alderatuta, oso merke. Hainbat baldintza bete behar dituzte ekintzaileek lokal horiek lortzeko, eta hainbat irizpideren arabera erabakitzen du Mankomunitateak bulegoak eman edo ez.

Hamaika bulego prestatu dituzte Olaran etxean. Eta horietako bulego bat zabaldu dute dagoeneko; Bergarako neska bati laga diote, Mireia Alberdiri, hain zuzen ere, dietetika kontsulta jar dezan. Arrasaten ere badago era horretako beste zentro bat; hantxe hamasei bulego eta hainbat industria pabilioi daude.

Helburua, esan bezala, hasiberriei laguntzea eta bultzada ematea izanik, hiru urterako lagatzen diete bulegoa. Hiru urte horietan merkatuan euren tokia topatu eta merkatura jauzi egiteko moduan egongo dira enpresa berriok.

Oraingoz bulego bakarra abian jarri duten arren, denborarekin gero eta ekintzaile berri gehiagori aukera emango dio Mankomunitateak. Informazio zabalagoa nahi izanez gero, Arrasateko bulegoetara jo dezakezue.



Olaran etxeko Enpresa Ekintzetarako Zentroan hamaika bulego daude guztira.



Mireia Alberdi bergararrari eman diote lehendabiziko bulegoa.

Ekintzaile berriendako hamaika bulego daude Olaran etxean

Dagoeneko bulegoetako bat zabaldu dute, dietetika zentroa, hain zuzen ere

Mankomunitatearen helburua da inizatiba edo ekimen berriak bultzatzea

LABUR

Erretiratuendako hitzaldia egingo dute martitzenean

Datorren martitzenean, ekainaren 10ean, erretiratuendako hitzaldia egingo du Julian Bereziartua maiatzeko 17an. Olaran etxean izango da hitzaldi hori, martitzenean, 17:30ean.

Nahiz eta hitzaldia erretiratuendako izan, guztion intereseko izan daiteke; izan ere, urteek aurrera egin arren, ahalik eta gazteen eta osasuntsuen egoteko zer egin dezakegun azalduko dugu Julian Bereziartuak hitzaldi horretan.

Idolaz-ek jaietarako Pegatina Lehiaketa antolatu du

Gero eta gutxiago geratzen da jaietarako, eta urtero moduan Pegatina Lehiaketa antolatu du Idolaz euskara elkarteak.

Euskararekin lotutako esaldi bat asmatzea da lehiaketaren helburua. Bi sari ezberdin jarri dituzte: esaldi diseinu eta guzti aurkatarak gero, 100 euro jasoko dituzte bazleak; diseinurik gabeko esaldiak, berriz, 60 euroko saria izango du. Ekainaren 17a baino lehen aurkatarak behar dira esaldiak. Udal Liburutegian.

Urkiolara irteera antolatu dute erretiratuek

Datorren asteko egubakoitzean, ekainaren 13an, erretiratuaren elkartek irteera antolatu du. Urkiolara joango dute erretiratuak egun-pasatu 09:00etan plazatik irteerarako. Gehienez 55 lagunendako tokia dago.

Irteerarako izena emateko nahi izanez gero, erretiratuaren egoitzara jo dezakezue ekainaren 7an eta 9an, zapeketa eta astelehenean, hain justu 18:00etatik 19:00etara. Pertsona bakoitzak 22 euro ordaindu beharko ditu.

ELKARRIZKETA

ARITZ BERRAONDO/PILOTARIA

“Lehen mailan banakakoa ondo prestatzea izango da garrantzitsuena”

Azkeneko momentura arte ez dugu jakin izan zer gertatuko zen Aritz Berraondorekin datorren denboraldian. Azkenean, Imazi 22-12 irabazita, datorren denboraldian lehen mailan jokatu du Aritzek.

Astebete lehenago Peñagarikanoren aurka finaleko partidua galdu ostean, zelan zeunden astelehenean?

Partidu hasieran igarri egiten da; beti etortzen dira burura horrelakoak, baina behin partiduan sartu nintzenean, ondo jokatzen hasi nintzen eta horiek guztiak ahaztu egin nituen.

Fisikoki ondo zeunden?

Txapelketa luzea izan da, badira hiru bat hilabete prestatzen hasi ginela, eta domekan finala jokatu, galdu eta astebetetera berriro horrelako beste partidua bat jokatu behar izatea gogorra da. **Partiduaren hasieran lau tantoz aurretik jarri zen Imaz. Horrek ez zintuen urduritu?**


Partidu hasiera oso garrantzitsua izaten da, eta horrelako partiduetan, gainera, nahiko urduri irteten naiz. Beti etortzen dira burura hainbat gauza, eta astelehenean ere gogoratu nintzen finaleko partiduekin, baina, esan dudan moduan, partiduan nahiko azkar sartu nintzen eta ondo ibili nintzen.

Lehen mailako txartela Imazek opari egin dizula ere irakurri dugu egunotan.

Kazetari bakoitzak berari iruditzen zaiona jartzeko eskubidea dauka, baina nik uste dut inork ez duela ezer opari egiten. Dena dela, beti jakin behar da kritikak eta horrelako komentarioak ondo hartzen.

Bigarren mailan egin duzun urtebete hau zelan joan da?

Nahiko justu ibili naiz gorpuzteaz, eskuakin ere arazoak izan ditut eta kostatu egin zait jokoak



“Oraingo denboraldian nahiko justu ibili naiz, arazoak izan ditut eskuakin”

hartzea. Dena dela, gogor egin dugu lan; emaitzak hor daude. **Datorren denboraldian lehen mailan jokatzeko aukera izango duzue. Zelan ikusten duzu etorkizuna?**

Lehenengo, atseden hartzeko gogoak daukat. Bestalde, uda ere

“Txapelketa oso luze joan zait; badira hiru hilabete prestatzen hasi ginela”

hor dago, eta politik izaten dira udako partidua. Hurrengo denboraldiari begira, berriz, banakako txapelketarako ahalik eta ondoen prestatzea izango da garrantzitsuena, lehendabiziko partidua irabazteko. Bestela, bada, berriro sufritu behar.

FUTBOLA

Gazteek mailaz igotzeko aukera dute

AINTZANE IRIZAR

Gazte mailako futbol taldeak denboraldi bikaina egin du eta igoera fasea jokatu du. Bigarren mailan jokatu du aurten Antzuolak, baina datorren denboraldian lehenengo mailan jokatzeko aukera dauka. Domekan, hain zuzen ere, jokatu dute igoera erabakiko duen partidua.

Igoera fasea orain dela bi aste bukatu zuten, eta euren taldean bosgarren geratu ziren antzuolarrak. Lehendabiziko laurak igotzen dira lehen mailara, baina horietako bik ez dute igotzeko aukerarik, lehen mailan badute eta taldea. Igoera lortzeko, antzuolarrak Behobiaren aurka jokatu beharko dute domekan, Irunen. Aurreko astean etxean jokatu zuten, eta 4-3 irabazi zieten irundarrei. Domekan irabaziz gero, hortaz, mailaz igoko dira gazte mailakoak.

Erregional mailakoek, berriz, bukatu dute denboraldia; eta gazteek domekan jokatu dute azkeneko partidua.

ERREGIONAL MAILAKOEK BUKATU ZUTEN

Erregional mailakoek, gainera, uste baino lehenago bukatu zuten. Izan ere, Kopako finalerdietarako txartela eskuan zutela, azkeneko momentuan txartel hori barik geratu ziren. Kontua da Lazkaok Arrateren aurka jokatutako azkeneko partidua bertan behera laga zutela, eibartarren taldea zazpi jokalarirekin geratu zelako. Lazkaok ez zuen behar beste gol sartzeko aukerarik izan, eta erreklamazioa aurkeztu zion Federazioari. Hark erreklamazioa onartu eta geratzen ziren minutuak jokatu zituzten. Gauzak horrela, Lazkaok behar zituen golak sartu zituzten, Antzuola txapelketatik kanpo geratu zen, azkenean.

LABUR

Bi hilean behin etorriko dira erabilitako olioia eta beste hainbat hondakin jasotzera

Debagoieneko Mankomunitateak hil honetan, ekainean, jarriko du abian Puntu Berde Mugikorra izeneko zerbitzua. Zerbitzu horren helburua da sukaldean erabilitako landare-olioa eta bestelako hainbat hondakin jasotzea; hala nola: pilak, erradiografiak eta bateriak.

Antzuolaren kasuan, ekainean hasita, bi hilean behin etorriko da Puntu Berde Mugikorra, hilabeteko azkeneko egubakoitzean, hain zuzen ere. Azoka ere egubakoitzetan egiten dutenez, azoka egoten den lekuan bertan jarriko dute zerbitzua, 09:00etatik 13:00etara.

Hurtzaindegia jartzeko eskatu berri dio Antzuolako Udalak Eusko Jaurlaritzari

Eusko Jaurlaritzaren asmoa da hurtzaindegia eskatzen duten udalekin batera partzuergoa eratzea eta hainbat irizpideren arabera herri batzuetan hurtzaindegia jartzea. Deialdi horri jarraituz, Antzuolako Udalak ere, herrian beharizan hori dagoela ikusita, Eusko Jaurlaritzari eskatu dio partzuergo horretan Antzuola ere kontuan hartzea. Mireia Unamuno alkatearen esanetan, laster izango dute batzarra Jaurlaritzako ordezkariekin. Badirudi, dena dela, prozesua luzatzen doala eta zaila izango dela datorren ikasurte hasierarako hurtzaindegia izatea.



Juan Cruz

ARGAZKIAK

Ezkontza erreportaiak
Jaunartze erreportaiak
Momentuko argazkiak
Estudioko argazkiak

BITXITEGIA

Marrokineria
Erlojuak, Bitxiak
Opari gaiak

Herriko plaza 4. Tel. 943 78 70 66. ANTZUOLA

Tomas Gezalaza

Zoruen kutxilatua eta barnizaketa

Kalegoi 21
Tf. eta faxa 943 76 64 07
Poltsikokoa 616 277 999
ANTZUOLA / BERGARA

LARREA

TABERNA

Kalebarren 17
ANTZUOLA

Tomas Gezalaza

Apainketarako eta industriarako pinturak

Paper margotuak

Moketak eta tapizatuak

Kalegoi 21
Tf. eta faxa 943 76 64 07
Poltsikokoa 616 277 999
ANTZUOLA / BERGARA